



ՀՈՐԸ ՊԱՇՏՊԱՆԻՈՒՄ Է ԱՐԵԱՆ ԳՆՈՎ

Մայիսի 4ին սգի մեջ էր Հայաստան աշխարհը: Սգի մեջ էր ամբողջ հայութիւնը՝ Գետաշէնից մինչեւ Ամերիկա, Ստեփանակերտից մինչեւ Աստրալիա, մինչեւ Փարիզ, Բեյրութ, Աթէնք, մինչեւ այնտեղ, ուր գեր մէկ հայ կայ: Սգի մեջ են Հայ Յեղափոխական Դաշնակցութեան բովանդակ շարքերը աշխարհի ամբողջ տարածքին: Սուգ եւ ճար. էջ 2 →

ոգեկոչում: Թաթուլ Կրպեյան, Սիմոն Աչիկզոզեան, Արթուր Կարապետեան, Վալերի Նազարեթեան, Զարգանդ (Հրաչ) Դանիելեան: Դիցազուններ, որոնք զոհուեցին խորհրդային բիրտ ուժերի եւ ազերի հրոսակախմբերի դէմ յանուն Գետաշէնի եւ Մարտունաշէնի մղած անհաւասար մարտերում: Ընկան վասն հայրենեաց, վասն Մայր Արցախից պոկուած մի կտոր Արցախի, յանուն Արցախի ազատագրութեան: Ընկան, որպէսզի իրենց մահով վերարժեւորեն մեր մտքերի մէջ Հայրենիքի գաղափարը, որպէսզի իրենց արեամբ գծուած սահմանները պատգամեն սերունդներին:

Ժամը 12ին Երեւանի Ազատութեան հրապարակում ծովածաւալ բազմութիւնը հաւաքուել էր հրաժեշտ տալու հինգ նուիրեալ մարտիկներին: Բազում ժողովուրդ, բոլորը մի ոգի, մի մարմին: Արցունքոտ աչքերում վրէժի կայծեր են բոցկլտում, հոգիների մէջ ընդվզումի ալիքն է ահագնանում: Սկաստները իրենց դրօշակներով պատույ պահակ են կանգնել դագաղների շուրջ: Փողփողում են սեւ հագած եռագոյնները: Բռունցքների անտառի միջով տանում են անիւնները Դաշնակցութեան դրօշներով ծածկուած:

Սգոյ հանդիսութիւնը բացեց Երեւանի Բաղաճային

խորհրդի նախագահ Համբարձում Գալստեանը:

Այնուհետեւ խօսք առաւ Հայ Յեղափոխական Դաշնակցութեան Հայաստանի Կենտրոնական Կոմիտէի Բաղաճային ղիւանի ներկայացուցիչ Հրայր Կարապետեանը. «Հայ Յեղափոխական Դաշնակցութեան նուիրեալ նահատակների կողմին այսօր աւելացան նորերը: Երեւի թէ այս զոհաբերութիւնն էր պէտք ցոյց տալու համար, որ ազգային-ազատագրական պայքարի ոգին աննկուն է, ցոյց տալու, որ միասնութիւնը լինում է ոչ թէ հրապարակներում, այլ մարտի դաշտում, ապացուցելու համար, որ միայն արեան գնով է հողը պաշտպանուում: Եկաւ Թաթուլը Գետաշէն եւ հետը մի արկղ գիրք բերեց. գիշերները Ռուբէն էր կարդում, ցերեկը դաս էր տալիս դպրոցում, կեսօրին մարտնչում էր զիւղի համար: Սա է գաղափարական մարտիկի կերպարը, եւ այդ կերպարները՝ Թաթուլի, Արթուրի, Սիմոնի, Վալերիի, Հրաչի՝ մեզ պիտի ոգեւորեն, մեզ պիտի կանչեն մարտի: Յարատեւ կռուի գաւակներն են նրանք: Միայն այս ձեւով է Հայրենիքը պաշտպանուում:

Մի քանի օր առաջ այստեղ, այս հրապարակում այս տղաների հրամանատարին սուլում էին: Այդ ընդվզողները

բող հիմա հողը պաշտպանելով բուրբի դէմ ընդվզեն, ոչ թէ հրապարակներում»:

Այնուհետեւ հոգեւորականները կատարեցին բաղման արարողութիւնը: Ապա ըստ աւանդոյքի հնչեց «Վերքերով լի» երգը, երգ, որով բաղուում են դաշնակցական մարտիկները, պատգամելով «Շարունակէ՛ մեր սուրբ գործը, Դաշնակցութեան վեհ Բազմը»:

Արթուր Կարապետեանի եւ Վալերի Նազարեթեանի մարմինները ամփոփուեցին Եռաբլուրում, ուր վերջին տարիներին զոհուածներն են բաղուած: Զէյթունի գերեզման տարուեց Սիմոն Աչիկզոզեանի անիւնը եւ համապատասխան արարողութիւնից յետոյ հողին յանձնուեց:

Սգոյ մի մեծ թափօր ուղղուեց դէպի Թալին, դէպի Թաթուլի հայրենի գիւղը՝ Արեգ:

Այսօր Դաշնակցութեան դրօշը խոնարհուեց իր գաւակների թարմ շիրիմներին:

Խոնարհում եւ Փառք...